

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Inatsisartut aallartitaasa siulittaasuata Josef Motzfeldtip aalajangiiffigisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 3/2011-mik, ataani allassimatut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut:

Nunat Avannarliit Killiit Siunnersuisoqatigiiffiata Islandimi, Savalimmiuni Kalaallillu Nunaanni naalackersuisut kaammattorpai ukiumoortumik nunanit avannarlernit killernit marlunnit allanit eqqumiitsuliortup atuakkiortulluunniit sapaatit akunnerini pingasuni-arfinilinni unnuiffissaqartillugu nunami sanilerisamiikkallarsinnaaneraniq neqerooruteqartalernissaq siunertaralugu suleqatigiissinnaanermut periarfissat misissoqullugit. Siunertarineqassaaq ukiut tamaasa eqqumiitsuliortumik atuakkiortumilluunniit nunani avannarlerni killerni nunami allamiinnissamat periarfissiisooqartalernissaa, nunami sanilerisami pinngortitamit kulturimillu sunnerneqarnissaq siunertaralugu.

Tunngavilersuut:

Nunat avannarliit killiit assigiinngitsutigut ataatsimut kultureqarlutillu oqaluttuarisaaneqarput. Taamaalillunilu kulturimut tunngasutigut suleqatigiinnerat Nunat Avannarliit Killiit Siunnersuisoqatigiiffiata anguniagaasa pingaarnerit ilagaat. Taamaattumik tamanna siunertaralugu Siunnersuisoqatigiit suliniutinik assigiinngitsunik aallartitsisimapput, assersuutigalugu Siunnersuisoqatigiit meeqqanut inuusuttunullu atuakkianut akissarsisitsisarneratigut. Taanna ukioq allortarlugu nunat avannarliit killiit arlaannit atuakkiortumut tunniunneqartarpoq. Siunnersuisoqatigiit taamatuttaaq sulissutigisimavaat nunat avannarliit kulturiat malunnartinniarlugu ukiumoortumik nunat avannarliit killiit ulloqartinneqartalernissaat.

Kulturimut tunngasutigut Nunat avannarliit killiit neqeroorutissarpassuaqarput. Assersuutigalugu oqalualarneq oqaluttualiornerlu qangarsuarli ileqqupput, taamalu aamma Nunani avannarlerni killernit atuakkiortorpassuit aamma taakku avataanni tusaamasaallutik. Nunani avannarlerni killerni nunani avannarlerni killernit allanit eqqumiitsuliortup saqqumilaartinneqarnissaat kulturiiinillu misigisaqarnissaq annertuumik soqutigineqarput. Tamannalu illugiilluni kulturikkut paarlaasseqatigiittarnikkut sunneeqatigiittarnissamat periarfissarpassuarnik pilersitsivoq.

Taamaalilluni kaammattuutikkut siunertarineqarpoq kulturimut tunngasutigut nunat akornanni suleqatigiinnerup siuarsarneqarnissaa, taamatullu aamma ikinngutiginnerisa kulturikkullu attaveqaataasa nukittorsarneqarnissaat. Tamannalu pissaaq nunanit avannarlernit allanit marlunnit eqqumiitsuliortup atuakkiortulluunniip nunat pingajuanni piffissami sivilsunngitsumi najugaqarluni sulinissaminut, taamalu aamma sulinermini nunap sanilerisap kulturianik misigisaqarnissamat isumassarsiornissamullu, periarfissinneqarneratigut.

Nunat Avannarliit Killiit Siunnersuisoqatigiiffiata erseqqissassavaa immikkut inissianik pilersitsisoqarnissaa pineqanngimmat, periarfissanulli pioreersunut neqerooruteqarsinnaaneq kisimi pineqarluni. Assersuutigalugu tamatumani pineqarsinnaapput illut inissialluunniit pisortanit

pigineqartut, inissiat attartortittakkat, bed & breakfast, nunaateqarfimmi takornarniarfiusartumiinneq assigisaalluunniit.